

勸務崇實學教

阮元

督學閩部院為剴切勸學之照得歐郡僻處東南山
 海深阻宋元以迄代有名人近時學藝蒸蒸科名寥
 若豈地不生才與抑士之未勸學也本院再按是郡
 校試文藝似有斐然之章不少發憤之意況以泮宮
 寺建光景一新果能從此奮興自可引之於進士先
 品行而後文藝志學生徒必貴修飾廉隅純學術不
 深雅程魁楚諸生聰明才力原可為惟是不取師

溫州文苑

共 1 册 存

册 排架号

10348

資不讀任史庸詞俗格沉錮終身所由見聞日隘子
弟皆愚也即如漢古場試經解者三四人向以陸氏
周易釋文而舉呂覽為對不亦偵乎時文以法律才
氣為先非博通經史安能深厚叔十三經註疏為學
問根柢毛詩三禮尤易啟發迷途史記兩漢更不擴
充識力此外如通鑑文獻通考五禮通考玉海困學
紀聞律史日知錄四書釋地四庫簡明書目文選
御選唐宋詩醇文醇許氏說文四六法海諸書皆如

日用飲食不可少缺而諸生累為贖買若恐致貧少
事鑽研必將受疾惟效庸俗墨裁間有古籍又無貫
串其於正嘉啟楨暨國朝名家文字全未究心春
秋大試安能制勝文壇也試思工勤居肆農服先疇
終日劬勞曷嘗自逸士得青衿則傲於彼曰我讀書
也為向一生讀幾部書一年讀幾卷書空設飽食
絕不用心於是而欲求其器之成年之登也唯矣本
院所不憚焦唇敝舌為諸生勉也曰勸讀書以破派

陋耳本院奉使視學正在求賢苟能造就數人亦
 可少酬恩命故今視其可特之機反要導之且本
 院督年提管編冠登朝采殿風簷試年不捷自循
 力尚在規書諸生若不視為虛車之言讓為老馬
 之導廣求古籍自發矚矚無求近功存惑勢利十年
 之後當有寧學之士挺出其間否則曾子此謂濶惑
 終身者吾無望矣

性善說

瞿瑞

予鄉厥土唯塗泥奔山水湫所澍甘渾然予亦習為

常也

傳按先生所居之地名老望四面臨江
春夏多雨時則塘河之水清澄可飲

辛卯夏久晴水將竭

而濁更甚晚汲至澄以鑿亦若他處用膠然旦視之

一泓盈缶有九詩詩稱得之其止而澗其清今世予

乃憬然悟曰昔孟子言性善嘗讀而竊疑之今始信

其不吾欺也夫水源于壬癸衍為亥子同此天一生

之而地六成之也猶人植以官骸運以氣血同此乾

父始之而地母育之也水之坎重險免穢澤有清而
必有濁也猶人之性相近習相遠有善而必有惡也
其清者何蒙泉也井泉也一也其善者何赤子之心
也平旦之氣也一也然則清也水何濁乎是蓋海之
濁之以激也河之濁之以流也旱靜則清動則濁汙
泥濯淖所由矣于活水源頭也善也性何不善乎旱
蓋溺于有餘利欲熏心宴安醜毒也汨于不足飢寒
切身心為形役也旱善也天不善也人知誘物化所

由喪其秉彝天性也孟子打湍水之說印以水之動
者言者之則云就下也若論本然凡其明如鏡淨如
練秀瑩徹底皜然不滓其端在靜以澄之之後也干
古言性善者義理莫詳于孟子至于盡性之功曰慎
獨曰固執曰誠明備著于中庸一書然聖賢之說蓋
奧精微淺見寡聞鮮克通曉茲第取目前卑近驗之
人縱冥頑當窮而返本之際亦必有一隙之明乃所
謂復見天心也是知水全其清行潦可以昭忠信失

其清下流遂為惡所歸矣性復其初人皆以為堯舜
失其養且至甚於禽獸矣水如魚性亦如是可不慎
哉可不勉哉

此例精當說理透瀾

貞孝胡母陳孺人行述

瞿

瑞玉堂

貞女陳孺人者永邑殿川陳公女也幼嫻母訓及笄
許字馬吞象川先生家嗣貫之胡君為宗君名崇一
年十有五歲應童子試受知于學使王偉人公補弟
子負旋試優等攻苦過勞未娶而卒孺人間亦奔喪
欲以身殉舅姑百計阻止勉承命遂矢志終養示胡
故儒家且寒甚旧授徒遠出孺人躬織衽親井臼屏
鉛華甘淡泊謹修婦道主持中饋瑣屑諸務靡不精

詳可曰姑片孝攝職承歡物也待夫弟藹也處
妯娌雍如也洎接如瑄為己子殷勤訓誨母而兼師
瑄亦善侍親心能為學以嗣書香早歲蜚聲庠序是
唐高彦昭之女明儲燕衛之婦隋鄭善果之母孺人
蓋一身兼之矣且孺人于胡君初未識一面接一
詞僅以一日之許纓而訂所天於同穴夫君不祿竟
以青年婉孌廿為熒獨哀孀五十年来茹苦飲藥苦
節以貞而又克接孤成立不隕家聲号其心堅金石

操勵冰霜非獨晚近閨閣所難能也即屬在詩礼俊
髦衣冠文望始亦常忠義自期思以媲美曩哲迨夫
時移勢易而身家為重君國為輕矣利欲熏心金滿
誼薄矣求所謂之死不復久要不忘其安在哉而終
如一節不肯蒙袂易心如孺人其洵可以激薄俗而
挽澆風矣
朝廷崇尚節孝凡以宣揚泗德獎勵幽貞直与忠臣
義士並膺

寵錫昭垂于不朽也職是故也道光戊子十二月二

十八日奉

俞旨建貞孝坊於郡城北郭之海壇山麓某忝為戚
末因素欽標人之懿範而為之行狀云

與道融上人書

胡光耀

往歲仲秋偕三五同人探奇雁宕遍覽三絕六勝信
為前人所謂天上飛下銀宮玉闕非復人間邱壑也
念此世為淨化祖師詎那道場自開山以後代有名
僧今花村鳥宕泉名不改意必有名僧出白雲雲外
此乃卒不可得至淨名始晤上人儵然塵外一見如
舊相識不減昌黎韓子所稱大顛師頗聽以微道理
此遂留宿上方燈下設次承示前明陳太史暨鄉前

輩何公李公墨蹟筆墨縱橫如就翔鳳翥滅曠代寶
也。以數百年之墨蹟師能珍而藏之。留鎮山門。師真
知所寶。於厥明。承師導引。循游鐵城障。窮幽極險。湧
水簷。初月維摩寶屏。仙掌摩霄。此峯至餐霞洞。而遊
前人以二壘為雁山明堂。鐵成障。為雁山奧。寔信不
誣也。第施先生志載金鼎峰在鉄城障口左側。蓼花
障中石理宛轉。左右相配。色若敷金。某時携帶施志
與師按圖以索。未見。具刑豈依稀髻鬢。向文人誇張

未免溢詞。抑山堂。閱惜不輕示人。即飯訖。告別時。師
欲留志繕寫。某以儼友。曾君近堂。刊刻山志。不日工
竣。某即乞寄一部。與師春間。尚儼友處。請志曾君欣
然許諾。時每使人。今特附札。函寄師。向此書願。一一
校對。核實。并留後人。疑案。吳日某。若再理游履。上人
其為我指導。師可乎。此啟。

再有疑案二條。附質于左。乞師訂正。

一。初入西內谷。至能仁寺。見所謂大鑊者。志以為寺

右有火燄峰故置巨鑊為壓勝術若蜀之刻犀以
鎮山怪其說見鄭崑岩縉雲人官大中記今火鑊宛在某見鑊唇
內口有鑄字一行明載施氏喜捨永為浴室中用
点畫並未剥落意此寺在宋元時為大叢林僧眾
千餘以此鑊貯湯為浴室用字跡顯然何施先生
數十年在此山中於一石一木之異年不搜別考
核以為實錄而獨於此鑊仍然傳記一無考證此
可疑也

一龍鼻水施志以為每歲自仲夏末至三秋即淫霖
弥月不復見水餘月雖大旱涓滴有常并載僧妙
文言東山坐候詫異之說某客歲游此恰值三
秋見水涓滴時下承水石盂盈盂盂滿何所見大
異所聞豈僧故神奇其說而施先生遂誤眩而筆
之于書乎然此安可為實錄也大抵文人好奇雖
以施先生二十餘年游訪工夫犹不免誤于信聞
况歟一過者乎師其為我核實有便寄示望勿

金玉尔音也

游雁山者多矣俗人一過即置之文人墨客或寄
諸篇詠以自怡悅耳誰則考索圖經澄世所見以
訂其得失是真可謂施氏之諍臣而大夫子平
日讀書在在皆實可求是亦於此書見之矣又
洵太夫子自雁山壯口占絕句云百二峰游遍
曾存一字留因現題壁句恐為後人羞附誌于此
亦可為疥壁之規也小門生林大椿跋

游石門洞記

李棠梅臨海人

人盛倚青田城南七十里之石門洞之勝屬矣余耳
而慕之竟未能游也有雪岩寺僧秋濤持袖碧蘿春
及詩竹來訪寺與其處毗因邀余偕往予自石螺放
船溪行永日渚鳥汀花魚罾翠網可々引人入勝此
間清趣已滿吾俗塵三斗矣僧風雅超逸淵博與設
方來予畢解原委奇論出人意外始才而隱于緇衣
飄然世外其支遁羽高之流亞與性嗜酒出保醅對

飲蓬底微醺相與枕琴而卧移時忽橋觸舟震榜人
拄篙笑呼曰至矣驚寤伸首拭目不知何所向瞥見
兩峰壁立如門高數百丈白雲衣其半冷翠沁人毛
骨古色蒼然入而為洞深廣可旋千馬翠崖環抱如
燕巢狀上徹霄漢道書所云洞天其真不我謬也中
絕壁上瓦瀑高挂下一巨石橫而承之倒激高數竿
如雪碎花擁客衣袂因額其亭曰噴雪亭下為梅雨
潭澄澈見底可數細鱗四面構青紫石鐫古篆書法

適勁苔薜斑駁僧為剔讀之自潭橫數武為以列文
成公讀書處垣頽棟折四壁纍纍挂佩蘿宿鳥糞壘
可蔽草盈階古松參株荒涼滿目傍盤螺石棧千餘
級可達洞顛雪霽溜滑不易躡余至半道俯視股栗
幾欲墮僧覲之笑為拽袖上上有亭址拂石趺坐清
眺風晴日朗多里無纖雲指渚勝曠若列眉南有鐵
筆峰龍鬚岩錦屏水西有翠環岡錦屏山東地有石
蓋石帆石郭自古迄今携杖履至此世人不令人出

梁：邱希範唐：邱丹劉宗：謝康樂洪公皆心先
輝映為斯地之生色不少時代幾湮中多廢置至道
二年太守洪孟琪重復古蹟紹興五年蜀人劉經健
與之人往風微斷碣殘碑中摹其遺蹟為徘徊馮吊
不能去已而夕陽西墮林鳥刺：有聲清鐘一聲響
徹峰外僧曰敝刹已夕課矣挽余歸榻留宿禪窓
幽寂四壁多古書畫澄香半炷嫩綠一甌塵襟稍愜
挑燈濡墨作：而為：記時嘉慶四年春正月也

樂得說

李棠梅

嘉慶三年秋月夕朱愚谷德華陳瑞五慶雲張

唐淑諸詞人會飲于江心寺之浩然樓半酣

設快可次及余因有此作時際偃蹇筆墨久荒率

尔漂毫不自知詞：庸劣聊以應同坐：命尔

余精于拳勇彈琴賦詩特餘可：途欲試一二駭報

甌海賊鋒甚銳將抵郡為：過喜攝衣仗劍率健卒

五百駕舟往擊：摩戰三晝夜涛翻數丈黑霧四塞

破光烟一咫尺不見人余身蒙飛鏞七槁奮不知億
例髮赤心躍艖過一臂獨擒賊魁號鐵羅漢廿餘悉
驚竄綠巾卒力竭并未諳水程不及遠追遺畜舶五
盛裝金寶俱近時掠得者因尽有之載歸半給親族
貧而善者半卜勝地築園廣數十里珍禽奇獸異木
修篁蕃植其中樓臺亭榭橋梁欄檻諸式悉倣西洋
畫譜中精製計時三載計工九十萬有奇時值二三
月風和日暖百花競開命車投刺近諸友輩携麗姬

數百人各淡粧素服四會於絳星樓飛香閣韻梅亭
華島紫霞洞諸勝吟者奕者射者投壺者雙陸者為
技不一各遂所長以為娛無容心也絃竹之音麝蘭
之氣沉一終日宵則製異樣精巧絳燈萬枝遍懸樹
林大啟圍扉恣鄉婦女僮繹娛游其下板段花木闌
干器玩岩石者有禁樂與人同人亦不余忌也宴飲
半酣人方扶醉忽來山石狂生何月峰余吟友也髻
簪花臉施朱粉裸程倒跨脫韁馬馳入內院大呼曰

李某安在今夜歌外我乎游衆環現如堵客為闕堂
方侑酒宜春部旦柳玉鳳蔣金官楊桂芳步花英數
人惟花英年最少聲色雙絕生所素狎者起驚逸下
馬遶廊疾追抵碎珠簾玉瓶芸香盒自鳴鐘數可遺
搜狼籍余見其跡弛已甚下階斷竹杪筆一叫跳匿
侍姬裙乘姬含羞為掩袖笑尾其後者筠籠數十肩
啟視咸馳電拾陽流星爆竹諸火戲詰所自來曰吾
破橐中鉅金作此為君今夜壽乃見苦耶余謝之令

僕輩放采蓮舟千數于池池面濶十許里長過之一
時盡發火光下上相映射疾響如萬雷歡聲四徹為
叫絕者久之已而光滅低蕩散入水西花枝上皎如
積雪亦異現也時雲斂天清澹月影斜見空中作寫
鳳音絳灯一點隱一遙墜於翠屏峰外若星隕然知
荆人與群姬放風箏絲斷時也良夜過半中客告歸
余跌坐石上蕭然清趣為念浮生若夢時日之促止
如白駒過隙身人不能樂一亦不久青雲點鬢衰顏

若鬼欲再吐芙蓉柳如眉句向乎為有斯境稍愜鄙
懷回憶比風橋上萬衣全敝時不禁有今昔之感淒
然淚下援筆述此以喚醒歌醉群公一晒
奇情幻景以古勁之筆運之可与黃九烟先生將
就園記並侍連清鴻先生
蜃樓海市鑿空駕虛却使瀟甘亦疑寔有号可
奇文也至其筆致峭逸處向之柳文情作邈處向
歐豈困守枯槁所能望其項背
向字林堂士跋

陳中翰非我先生傳

范 鑿

康熙己丑春松溪陳氏宗譜成其族之俊髦以中翰
非我公屬余侍嗜余何能以侍公也公在膠庠已有
非常之建樹及筮仕所表見者皆人所不敢為雖運
會相左當時見其奏牘後人讀其遺編者無不舌咋
骨悚其憫人情俗之會與匡時濟世之心義烈精誠
直可貫皎日而凌秋霜豈尋常能擬議乎公賢嗣祝
君偕六輝天彩恒如諸文學校敬而言曰知我先中

翰者莫子若也此豈異人任哉余曰然學不佞公通
家子也義無可辭矣公姓陳氏名一球字非我蝶庵
其別號也居樂清長安鄉廬於排岩山陽故又稱
排岩陳氏生而穎拔十歲能屬文十二歲郡守何公
廷相試冠軍明年學使周公光耀選入邑庠周何二
公相謂曰昔甘上卿十二能說周上卿十三知兵豈
虐語哉其見賞如此公才高氣雄鴻鬯隼朗橫絕每
前棘闈屢躋及于世道人所益闕切時巡按趙公健

鼎雅重公名下詢利弊公以時可二十條痛哭而備
陳之趙公據以入告利甘興之害甘除之更以前之
所以病國厲民者六尋源竟委而窮治之牽連連問
歷任職役罹于法甘不知凡幾甦數十數之積困快
五邑之人心公救時之志誠銳矣未免疾惡太嚴之
議當日身受刑憲赭衣城旦者怨入骨髓思所以報
復并由乃以公所著悟空編為左道蝴蝶夢為謗書
摺撫浮事組織虛言中口鐔金以成公獄竟有譴戍

鎮東之擬公曰救一時賴萬姓吾志也履虎尾犯蜂
目吾何悔而甌之士大夫及民感公之義惜公之
草呼天每躬舉國若狂少大中丞周公應期李公光
春司農卻公建策州牧張公展成暨耆廉俊秀耆碩
宣為詩章播之管絃更以公從前義行俠心焚券還
妾諸可億集一編比公為漢之賈博丹邱叟何公白
弁首曰長沙潰直夫賈生任昇平之朝遇好賢之主
親近天顏建白較易而公則當濁亂之世處草野之

中萬里君門浮雲蔽日乃能軫念時艱條陳積蠹危
言極論奮不顧身由此觀之其少雖止闕一郡其難
則加于賈一等矣公行矣有望公世曰仲升投筆終
軍棄繻非皆抑鬱而出世乎有惜公者曰夷吾檻囚
未脫釋越石解驂乏人吾其缺望斯人矣會巡按任
公天威銜命代狩按閩積謙廉公非辜迅繕奏章平
反公獄又特疏薦公可為時用此也越石之晏嬰夷
吾之鮑叔哉不意有薦之者即有阻之世公之不用

於時者天也公日燕都旋旣結庐故里勝國之時
已日非矣奮耕渚釣初若不預人家國之甲甲後秣
陵繼立御座未暖天步已移隆武建號于三山魯藩
監國于兩浙烽烟相連兵戈擾攘此日之域中不可
向矣當時痛心國之欲返日于虞淵者如曹公字佗
黃公道周暨海上督師諸帥交章荐公以旌蒲輪接
踵道左大帥頌公乃德奉嚴命強起公公勉就徵車
悵然若失曰以天下之大不能制一逆閹之匹夫今

大事已去兩浙特一木耳况兩藩特角又不同心身
入危邦誠為迷昧唯念桑梓墳墓在此一方倘得一
日之苟延猶愈先沉於胥溺因拜受內府中書遂請
聯絡浙省交契魯藩兼請優加陳函輝鄭遵謙錢肅
等職銜徵用任天成劉廷英吳有涯等以收人望以
愜衆心數上奏章痛陳時事連篇累牘不恤嫌疑英
氣訐謨凜凜罕儷彼時温台金處籍隸閩藩而咫尺
疆圉又逼越境越兵餉寡齟齬近方借養兵之名欲

蹂躪我甌土公恚心勞慮冒險遠涉片帆一葉竟抵
舟山以危言動巨帥以奇計勸眾兵乃能保父母之
邦于無虞厥心甚苦厥功甚偉兩藩知公智能皆欲
倚以為重公已受閩中翰矣越中又以侍御授公義
不敢受抗辭再三及歸閩省亦以疾辭人曰扶顛持
危非吾儒分內事乎公曰吾應召而往全此泐尔之
軀耳叨受一日之知聯結兩藩之眾竭愚悃以為報
遠涉千頃波濤微免萬軍騷擾念枌榆而安全之既

非沽名何遑核寔自是絕意榮進韜隱故鄉築精舍

葺亭榭左圖右書說禮談禪楊姚友拊軍頌其門曰

陳非我先生之庐按龍友題額事當在前若至林梅

生先生題其亭曰陳氏幻景公怡情泉石課于教家

騷人墨客詩酒相歡幸際盛朝安于耕鑿數十年

如一日矣方其幼慧而赴科舉似攷之于功名憤時

而陳利弊若切之于政甲筮仕而籌睦鄰又勞之于

兵戎及勢不可為急流返棹出韓伯休之避名李長

源：歸隱。謝按公顯耳若於謝舉但名不如裕自
全：智。制。後。日。之。名。曩。侍。御。趙。公。旌。公。曰。東。甌。傑。士。
余。清。易。一。字。為。東。甌。高。士。吁。公。真。高。士。也。夫。
林。大。椿。曰。施。六。洲。先。生。亦。撰。陳。蝶。庵。傳。即。以。此。為。
底。本。而。參。以。非。我。公。自。壽。蝶。夢。歌。而。兩。傳。不。無。牴。
牾。此。傳。云。先。生。條。陳。時。事。逮。治。多。人。怨。家。借。悟。空。
編。蝴。蝶。夢。羅。織。遣。戍。似。蝴。蝶。傳。奇。作。於。未。獲。罪。時。
施。傳。則。云。公。娶。象。山。鄭。氏。琴。瑟。不。調。其。下。獄。也。亦。

由。彼。婦。之。口。蝴。蝶。夢。諸。編。蓋。有。為。而。作。也。據。此。則。
赦。歸。乃。撰。傳。奇。以。抒。怨。毒。以。蝶。夢。偏。自。序。證。之。宜。
以。施。說。為。得。寔。又。胡。蝶。夢。自。序。有。叩。闕。歸。來。語。蝶。
夢。歌。六。有。抗。疏。叩。銅。鑼。句。似。乎。甲。申。以。前。公。嘗。親。
叩。闕。廷。而。兩。傳。皆。云。上。書。直。指。使。甘。恐。傳。聞。之。誤。
耳。家。父。曾。為。范。施。二。傳。辨。附。之。蝴。蝶。夢。傳。奇。後。
今。撮。其。大。指。如。此。口。施。作。筆。法。簡。練。視。此。之。冗。漫。
膚。浮。相。去。遠。甚。但。序。事。則。此。作。較。詳。故。錄。之。

何丹邱先生傳

鄭應會永加

先生諱白本名字无咎別號丹邱其先樂清人也生而孝友因心穎悟天縱每讀書十行並下了若夙解甫弱冠即名噪騷壇永加令景湖陳公楚望郝公嘗造予與締白鹿社定忘年交刻燭分題迭相倡和年三十客姑蘇會楚吳明卿公搢仲君臯情適吳弔王弇洲大司寇將還下雒吳人吳叔嘉集詞字四十三人讌虎邱即席分韻賦詩送吳公歸楚會中

盛陳音樂百戲以媚先生斯亦極人人生子壯游毫致者矣嗣是中丞亟為先生謀推轂先生拂衣不受長揖壯戶杜門東渚山中研精理學垂二十年所著有山雨閣榆中草汲古堂諸集行世續集稱是尚未授劄劄學使劉公旌五中祭酒閣侍御稱為東國人士倫十愚公表其門曰何无咎先生序陳眉公稱之為天際真人山中宰相斯真品當其人服膺勿讓者也蓋先生詩步三唐文宗兩漢臨池探鍾王之奧撥墨

借刑賞之神授簡抽思則郵枚為之避席銜杯洒翰
則應徐見而斂毫書檄之妙不減陳琳筆札之長有
八示劉穆之百函並發不嫌酬答之勞桓靈寶五
版立題豈費經營二古今文人才子之技或每或
工刻奇或正而皆萃于先生之一身謂紀天壤海岳
之靈年所鍾毓益讓而何雖仲嗣叔眉峯天啟亭西
孝廉而先生不以此炫其榮乃父子自操與
愈嚴長吏即干旌至門不肯一見蓋其模楷人倫則

似郭林宗雍肅閨門則似陳仲弓後先則似龍
門之談遷眉山之洵軼高尚其志則似子
十襄嚴武之不若劉冠廣聯聲之所至趨近則又似
鄭當時之千里才裏糧任序昇之投贈皆豪俠矣嗚
呼先生在則天子不臣諸侯不得友先生沒無論
世與不識先生出莫不扼腕而欷歔昔少微星
隕戴二道當之素中郎卒識者謂東南文采自此尽
矣其先亡之謂與由是知諸孝廉愈鳴當道曾以

先生從祀鄉賢祠文士皆當與千秋俎豆亦垂不
以矣子以後學不及瞻先生風采親聆教言徒於師
前改遺書得聞高行敢援不律侍其大畧以識
是仰云時序
浴佛前二日拜手撰
瀛洲劫中有安貼排界之說中段寫中丞校
獵尤覺精神
古文駢散夾行肇于六朝近
世吳梅村尤西堂兩先生又嘗有此
非正軌也然波瀾却綽有奇筆可觀

以先生年少籍在甌頗輕之預擬七言排律八齊韻
囑名姬白春衫拈此以窘先生先生得韻即潛入僧
舍索句未就外客闕然意先生必逃席少刻詩成諸
公捧讀一過咸駭詫異相顧失色以為一軍皆北
自此名震寰中如洛陽婦女皆知司馬既而游燕市
溯楚江登元岳入八閩足跡幾半天下隨所至名公
鉅卿無不倒屣相迎嘖嘖心折也而先生以布衣直
踞上座并少謹讓時大中丞縉雲崑岩鄭公以重望

出鎮榆關敦請先生入幕修榆林志間
動中機宜籌畫一暇中丞延先生坐青
酒設斝筵開玳瑁健兒舞梨迭奏鏡
觴射翻樂府先生醉則磨墨揮毫
通以示向或從中丞提數千騎獵沙
甲光耀日飲孔擁貂額以前驅部曲
陝隴健頭兒咸知開府有重客出觀
角技割鮮刺肥生噉其血肉如甘露
玉漿復于馬上揚鞭

溫州府